



*Oma **Manatoba Micim Kwayeskonamowin** kiwi-ohcipanew isiniwak Manatoba osci eki-mamawi-wapahtahik tante-isi kaki-wanastacik micimo- pamihewina. Ohkoni Kwayeskonamowin wanastawina kakiwi-ohpinikatewa kaki-mitisahik kahkinaw okimawina, nanatohk atoskewina ekwa awfisa, mina wahkomakanak. Ohkonik kaki-wanastacik ohkoni atoskewina itawenitamak kawapahtahik kahkinaw kayatoskatahik omenow micimo-miciminikewin ekwa mina apowin atoskatamowin. Oma **Kwayeskonamowin** kiwanastanowan mamawi-ayamihitowin osci ekwa mina kahkinaw micimo-atoskenakanak kamiciminamak.*

ANOS KAKISIKAK KAHISINAKWAHK

Pihci Manatoba micimo-pamihewina ihtakwana wahkewina ekwa maskawisiwina. Pihci oma kitaskinaw astewa miscet nanatohk kistihkewina Manatobanak kakiwi-ohtinahik omicimiwaw osci. Maka kistihke-ohtawina mowinehakanowanak misowe ohci ota askihk. Miscet isiniwak kiwetinohk osci, anihik kawikicik kisci-ohtawinihk kakitimakisicik, ekwa mina anihik iskwewak, awasisak, ekwa napewak apisis kaskihcikecik mots kikaskihtawak kawi-otinimasocik kaminasinik micimowina. Anima wanastawin **Ininew Kwayeskonamowin Ekwa-inikohk Micimowin** kahicikatek mots ceskwa nokwan. Misiwe-ite ohtowina mots mamawi-atoskewak. Mots misiwe kimiciminan minasin, mots misiwe micimo-wihtamowin tapwemakan, ekwa mistahi kimiciminan wahinaw ohtotemakan. Kiki-wanihtanaw micimo-kiskenihtamowin ekwa wasime kitaspenimonan anihi micima semak kaki-ostanowahki. Maka miscet wikiskentamak tante esinakwahki micimowina ekwa aspenimewak nikaniskawewak kawicihikocik. Tapwe oma **Manatoba Micim Kwayeskonamowin** Manatobanak wi-apastawak ewi-mamawi- atoskatehik anihi kahkinaw kekwana kati-nakiskahik.

WAPAHTAMOWIN

Ekwayeskwak ekwa ewicihewi-makahk oma micimo-pamihewin oscihi-makan ka-minayaki ohtawina, ekota-isi kahkinaw awena kaki-otinimasow micima kaminoskakot. Oma micimo-pamihewin atoskemakan nanatohk ite: kistihkewin, mawacisihkewin, pimohtemakowin, pimohtatawin, ekwa asahkewin maka apisis mestinikewin.

Oma ekwayeskwak ekwa ewicihewi-makahk micimo-pamihewin itestew:

- ❖ Kistihkewak, pakitahawak, mawacisihkewak, pimohtemakwak, ekwa matinawewak kaki-wanastawak tipahikewina ka-tepipaniki;
- ❖ Kistenamowin kaminanowanak anihik ininewak, askimewak, ekwa apihtosanak otaskimowaw kwayes ekanawenitahik;
- ❖ Katipatistenik micimowina ota osci kayayahk ekwa anihi kotakihk askihk osci;
- ❖ Kacimatanowahk mino-matisowin tastowanik osihewakanak ekwa apastawakanak ota osci misowe Manatoba;
- ❖ Kahkinaw awena kaki-kacitinahik mino-micimino atawekamikohkwa ekwa soniyawa kayawacik kaki- asamisocik misowe ite ota Manatoba;
- ❖ Manitobanak sohkenitamak mistahi micimowina kamicicik; ekwa,
- ❖ Kakiwapahcicateki kahkinaw acimowi-micimowina asimasinahiketeki: Tante-isi micim ewi-ostanowahk; tante-isi micim enitawikihk; tante-isi micim ekanawenicikatek, eyatawakatek, ekwa ekisikatek; ekwa micim mots kamestinikatek

Konima-osci, niwihtenan ewi-itotamahk ekwa ewi-atoskatamahk katowapahtamahk kaminasik micimino-pamihewin ota askihk Manatoba ka-icikatek. Nikiskenitenan oma nitenitamowinan nititotahikonan ante kawapahtamahk anihi kekwana kapakamiskateki nipimitisahikewinan ekwa nitotamowinan. Maka nitawenitenan oma nitenitamowinan kakiskencikatek e-tipitenamahk ekwa e-kiskisototamahk anos oma kakisikak ekwa mina wapahe.